



## **VIJEĆE/SAVJET AGENCIJE**

Broj: 01-03-1-50-48-1/10

Sarajevo, 28. 01. 2010.

## **INDEKS REGISTAR**

### **informacija koje su pod kontrolom Agencije za poštanski promet Bosne i Hercegovine**

Indeks registar sadrži vrste informacija koje su pod kontrolom Agencije za poštanski promet Bosne Hercegovine (u daljnjem tekstu: Agencija), odnosno kojima raspolaže Agencija, oblik u kojem su informacije na raspolaganju i mjesto pristupa informacijama.

Agencija će poduzeti sve potrebne mjere za davanje traženih informacija u cilju ostvarivanja prava iz Zakona o slobodi pristupa informacijama u Bosni i Hercegovini (u daljnjem tekstu: Zakona).

#### **I VRSTE INFORMACIJA**

Informacije u smislu člana 3. stava (1) Zakona izuzev informacija koje imaju karakter lične informacije koja se odnosi na fizičke osobe, su sljedeće:

- a) Informacije o primjeni i izvršavanju zakonskih propisa iz djelokruga poslova Agencije;
- b) Informacije o planiranim i realiziranim sredstvima predviđenim budžetom institucija Bosne i Hercegovine i međunarodnih obveza kao i vlastitih prihoda;
- c) Informacije u vezi uposlenih u Agenciji isključujući podatke koji su zaštićeni Zakonom o zaštiti ličnih podataka;
- d) Statistički podaci o organizacionoj strukturi Agencije;
- e) Informacije o općim aktima koje donosi Agencija (pravilnici, uputstva, instrukcije i naredbe)
- f) Izvještaj o radu Agencije;
- g) Izvještaj o finansijskom poslovanju (periodični i godišnji) uključujući i Izvještaj Ureda za reviziju institucija Bosne i Hercegovine o poslovanju Agencije;
- h) Informacije o saradnji s drugim tijelima i organizacijama;
- i) Drugi podaci i informacije koje se pojave u radu Agencije.

#### **II OBLIK INFORMACIJE**

Informacija se može dati kao fotokopija originalnog dokumenta, u vidu elektronskog zapisa ili u vidu posebno sačinjene informacije u vezi sa zahtjevom sa pozivom na izvor podataka.

### **III PRISTUP INFORMACIJAMA**

Informacije koje su pod kontrolom Agencije dostupne su javnosti u skladu sa Zakonom o slobodi pristupa informacijama u Bosni i Hercegovini («Službeni glasnik Bosne i Hercegovine» broj 28/00) i Vodičem o pristupu informacijama u Agenciji.

Agencija će utvrditi izuzetke-povjerljive informacije u smislu člana 6., 7., i 8. Zakona.

### **IV MJESTO PRISTUPA INFORMACIJAMA**

Podnositelj zahtjeva informacije po podnesenom zahtjevu može dobiti, odnosno pristupiti traženim i odobrenim informacijama u službenim prostorijama Agencije kod službenika za informisanje ovlaštenog od strane rukovodioca Agencije.

Agencija će poduzeti sve potrebne mjere pomoći svakom tražitelju informacija s ciljem ostvarivanja prava koja proizlaze iz Zakona o slobodi pristupa informacijama u Bosni i Hercegovini.

Predsjedavajući Vijeća Agencije

---

Fikret Gačanović, dipl.ing.saob.